

未3
66

苏州潘
明

承刚

捐贈

原機啟微序

原機啟微一書敕山老人所著也敕山吳人生勝國時卒於洪武初少受書碧山湯公得其䟽通知遠之旨好積墳素多至五千卷爲重屋棲之恣其探討以才博聞或勸之仕則曰富貴有命不可強也時元季崩剝意不欲仕亂世故謾應云晚置別墅於敕山逍遙物外自稱敕山老人人亦隨稱之敕山嘗讀黃帝內經慨然歎曰窮而在下可以濟人利物者其惟醫乎乃益發古今方書研究而會

通之不數年盡能工其術其治人無問貴賤男女
內外大小凡所治咸効專以慈仁爲意未嘗邀報
謝故施惠博而道益尊浙河之西其聲鉦然震也
是書載治眼一科書凡二卷上卷論病疾之原下
卷論方劑之宜以及君臣佐使從逆反正之義其
說甚明使人可按疾而治治罔不奇効者救山之
用心如此可謂仁矣他所著方書竝行於世不特
專是科也今之爲醫者大抵守師說如傷寒內傷
帶下小兒各專門自高殊不能相通此豈可與論

玄命之奧哉治眼絕無古傳方雖張仲景李明之
諸公論醫之詳庶幾神妙而於是猶略略也後之
學者無所師故目疾爲最難治夫醫者意也非其
心明乎天人之際察乎古今之變卓然有所見焉
烏可以易言哉是書析理精明法制具備文詞爾
雅成一家言殆有超乎方術之外者雖達之爲政
可也敕山之學其能以涯涘窺乎予舊藏寫本顧
多訛謬不敢輕以試人南京太醫院院判薛公新
甫見之曰此書尋求之久矣今幸見之先生所請

梓焉以廣其傳仍撰次已所見聞爲一卷附於後
薛公亦吳人以醫顯生平著述甚富藏之尙方副
在家集能行其學者也此書之傳絕且百餘季至
新甫而復行後之人日蒙利焉新甫可謂同敕山
之用心矣敕山姓倪氏名維德其行事具宋太史
墓銘予但序是書之始末云

嘉靖壬辰春南京禮部祠祭司主事長洲王庭書

原機啓微目錄

卷之上

淫熱反剋之病

風熱不助之病

七情五賊勞役饑飽之病

血爲邪勝凝而不行之病

氣爲怒傷散而不聚之病

血氣不分混而遂結之病

熱積必潰之病

陽衰不能抗陰之病

陰弱不能配陽之病

心火乘金水衰反制之病

內急外弛之病

奇經容邪之病

爲物所傷之病

傷寒愈後之病

強陽搏實陰之病

亡血過多之病

癰疹餘毒之病

深疳爲害之病

卷之下

君臣佐使逆從反正說

附方

附錄

論目爲血脉之宗

論目昏赤腫翳膜皆屬於熱

論目疾宜出血最急

原機微論
論內障外障

論眼症分表裏治

論瞳子散大

論倒睫赤爛

論目不能遠視爲陰氣不足

論目疾分三因

論偷鍼眼

先哲治驗

原機啓微集卷之十

吳郡薛 巳 著

後學郭顯恩 校

淫熱反尅之症

膏粱之變滋味過也。氣血俱盛稟受厚也。亢陽上炎陰不濟也。邪入經絡內無禦也。因生而化因化而熱熱爲火火性炎上足厥陰肝爲木木生火母妊子子以淫勝禍發反尅而肝開竅於目故肝受尅而目亦受病也。其病眇多眊躁緊澁赤脉貫睛。

臟腑秘結者爲重

者爲藥清肝散主之通氣利

中丸主之夥多耗

緊澁赤脉貫睛臟腑不秘結

者爲輕輕者減

芫硝芍藥清肝散主之黃連

天花粉丸主之

服通氣利中丸目眶爛者內

服上藥外以黃連

耳石散收其爛處兼以點眼

春雪膏龍腦黃連膏

齒鼻碧雲散攻其滯熱此治

滯熱反尅之法也非

梁之變非氣血俱盛非亢

陽上炎非邪入經絡

用此也用此則寒涼

生志不上升反爲所

病不治而已也

風熱不制之病

風動物而生於熱譬

以裂火焰而必吹此物類感

召而不能違間者

曰熱而召是爲外來久熱不

散感而自生是爲內

發內外爲邪惟病則一淫熱

之禍條已如前益以

風邪害豈纖止風加頭痛風

加鼻塞風加腫脹風

加涕淚風加腦巔沉重風加

眉骨酸疼有一於此

死活勝風湯主之風加癢則

以杏仁龍膽草泡散

洗之病者有此數證或不服

藥或悞服藥翳必隨

之而生翳如雲霧翳如絲縷

翳如秤星翳如秤星者或一點或三四點而至數十點翳如鰓蓋者爲病久不去治不如法至極而至也爲服寒涼藥過多脾胃受傷生意不能上升而漸而至也然必經絡虛能應手翳凡自內眥而出爲手太陽足太陽受邪治在小腸膀胱經加三棱子蒼朮羌活勝風湯主之自銳眥客主人而爲足少陽手少陽受邪治在膽與三焦經加龍膽藁本少加人參羌活勝風湯爲足厥陰手少陰受邪治在

肝經心經加黃連倍加柴胡羌活勝風湯主之自
抵過而上者爲手太陽受邪治在小腸經加木通
五味子羌活勝風湯主之熱甚者兼用治淫熱之
藥啗鼻碧雲散俱治已上之證大抵如開鍋蓋法
啗之隨効然力少而銳宜不時用之以聚其力雖
然始者易而久者難漸復而復漸復而又復可也
急於復者則不治今世醫用磨醫藥者有之用手
法搗翳者有之噫翳猶瘡也奚斯愈乎庸者用此
非徒無益增害猶甚愚者受此欣然而不悞可歎

也哉故置風熱不制之病治法

七情五賊勞役饑飽之病

陰陽應象大論曰天有四時以生長收藏以生寒暑燥濕風寒暑燥濕風之發耶發而皆宜時則萬物俱生寒暑燥濕風之發耶發而皆不宜時則萬物俱死故曰生於四時死於四時又曰人有五藏化爲五氣以生喜怒憂悲恐喜怒憂悲恐之發耶發而皆中節則九竅俱生喜怒憂悲恐之發耶發而皆不中節則九竅俱死故曰生於五藏死於五

藏目竅之一也光明視見納山川之大及毫芒之
細悉雲霄之高盡泉沙之深至於鑒無窮爲有窮
而有窮又不能爲窮反而聚之則乍張乍歛乍動
乍靜爲一泓一點之微者豈力爲強致而能此乎
是皆生生自然之道也或因七情內傷五賊外攘
饑飽不節勞役異常足陽明胃之脉足太陰脾之
脉爲戊巳二土生生之原也七情五賊總傷二脉
饑飽傷胃勞役傷脾戊巳旣病則生生自然之體
不能爲生生自然之用故致其病曰七情五賊勞

役饑飽之病其病紅赤睛珠痛痛如刺刺應太陽
眼睫無力常欲垂閉不敢久視久視則酸疼生翳
皆成陷下所陷者或圓或方或長或短或如點或
如縷或如錐或如鑿證有印此者柴胡復生湯主
之黃連羊肝丸主之痛睛甚者當歸養榮湯主之
助陽活血湯主之加減地黃丸主之決明益陰丸
主之加當歸黃連羊肝丸主之龍腦黃連膏主之
已上數方皆羣隊升發陽氣之藥其中有用黃連
黃芩之類者去五賊也噉鼻碧雲散亦可見用最